

Inatsisartut suleriaasiat § 37 imm. 1 naapertorlugu matumuuna Naalakkersuisunut apeqquut imaattoq saqqummiuppara.

### **Naalakkersuisunut apeqquut**

- 1. Allaffissornikkut aningaasartuutikillisaaneq pisortat ingerlatsineranni Naalakkersuisunit pilersaarutigineqarpa, tamatumani aamma Namminersorlutik Oqartussat suliffeqarfiutanni?**
- 2. Taamaattoqassappat suliassaqarfinni sorlarni Naalakkersuisut naatsorsuutigaat aningaasartuutikillisaaneq piviusnngortinneqarsinnaasoq?**
- 3. Naalakkersuisut takorloorsinnaavaat nunatsinnut naleqqussagaanerusumik allaffissornikkut ingerlatsilersinnaaneq?**
- 4. Taamaattoqassappat suut iluarsisassaappat aamma qanoq iliornikkut?**
- 5. Sipaartutissarsisoqarsinnaava pisortat allaffissornikkut ingerlatsinerat ingerlatsivinnut annerusunut inissititsissallugu?**
- 6. Allaffissornikkut sipaarutissarsisoqarsinnaava ingerlatsinerup ilusaata allannguuteqartinneratigut?**

(Inatsisartunut Ilaasortaq Anthon Frederiksen, Partii Naleraq)

### **Tungavilersuut:**

Ukiorpassuannngulersuni allaffissornerujussuup akisoqisup annikillisarneqarnissaa tamatta eqqartorparput, kisiannili malunnaatilimmik iliuseqarfigissanagu.

Partii Naleqqamiit isumaqarpungut, pingaartumik ukiuni makkunami aningaasaqarnikkut ajornartoorfiup nalaani, soorunami siunissatsinnut assut pisariaqartoq allaffissornikkut aningaasartuuterpassuit pimoorullugu tamatta suleqatigiinnitsigut apparsarnissaat oqallisigissallugu.

Aamma Partii naleqqamiit isumaqarpugut allaffissornerup akikillisaavigineqarsinnaaneranut ilannngullugu – allaffissornerup nunatsinnut naleqquttumik aqqissuunneqarsinnaanera eqqarsaatigineqarnerusariaqartoq, tassami Namminersornerulernerli sioqqullugu nunarput danskit naalagaaffianiit annerusumik aqunneqarallarmat taamanikkut danskit allaffissornikkut ileqqi danmarkimi atorineqartut issuaannarlugit ingerlatsineq eqqunneqarsimasoq suli

maannamut annerusumik allanngortinnagu ileqquliutiinnarneqarsimasoq takuneqarsinnaammat.

Taamaattumik uagut Partii Naleqqami isumaqarpugut allaffissornikkut nunatsinni ingerlatseriaaserput annikinnerulersinneqarsinnaasoq, aningaasartuutitta appasinnerulersinneqarnerannik kinguneqartumik

Apeqqutit ullut suliffiusut qulit ingerlaneranni akeqquneqarput.